

Sažetak projekta:

**Napredna implementacija Akta o malom biznisu u BiH2EU
(SBA u BiH2EU)**

Kontekst – kontinuitet u naporima ka ekonomskoj integraciji sa EU

Projekat *Napredna implementacija Akta o malom biznisu u BiH2EU (SBA u BiH2EU)* je nastavak projekta *Evropski Akt o malom biznisu kao okvir strategija i politika za MSP u BiH (SBA u BiH)* koji finansira Švedska, a implementirala Eda – Agencija za razvoj preduzeća u periodu 1. avgust 2017 - 31. decembar 2021¹. U tom smislu, radi se o kontinuitetu nastojanja da se ubrza ekonomska integracija sa EU u oblasti strateškog i policy okvira za mala i sredna preduzeća (MSP), sa naglaskom na implementaciju, monitoring i evaluaciju strategija i politika za MSP.

Opšti cilj

Podrška institucijama u BiH da ubrzaju ekonomsku integraciju sa EU u oblasti strateškog i policy okvira za MSP, sa većim uticajem na performanse MSP u zemlji.

Specifični cilj

Potpuno funkcionalan i održiv sistem upravljanja razvojem MSP u BiH zasnovan na Aktu o malom biznisu (Small Business Act - SBA) i pristupu Building Back Better (BBB) koji osigurava kontinuirana poboljšanja politika u svim fazama (planiranje i dizajn, implementacija, praćenje i evaluacija, izvještavanje i revizija).

Procijenjeni rezultati

1. Uvedeni novi instrumenti sa odgovarajućim izgrađenim kapacitetima za poboljšanje operacionalizacije i implementacije strategija i politika za konkurentnost/inovacije MSP i razvoj preduzetništva.
2. Uvedeni novi instrumenti sa odgovarajućim izgrađenim kapacitetima za poboljšanje procesa monitoringa, učenja i izvještavanja, te efekata koji se odnose na strategije razvoja i politike MSP kao i implementaciju SBA, uključujući izgradnju kapaciteta/pripremu za evaluaciju.
3. Uvedeni novi instrumenti i strukture za poboljšanje revizije/ažuriranja/planiranja/dizajna strategija, planova i politika koje se odnose na MSP i preduzetništvo, uz njihovu integraciju u ukupno strateško i operativno planiranje širom zemlje.
4. Poboljšana harmonizacija politika i koordinacija strategija za razvoj MSP i preduzetništva.
5. Poboljšana koordinacija ministarstava nadležnih za MSP sa Delegacijom Evropske unije u BiH i drugim donatorima, te povećana podrška razvoju MSP i preduzetništva sa obe strane.

¹ Više informacija o projektu SBA u BiH je dostupno ovdje: <https://edabl.org/wp-content/uploads/2017/11/SBA-u-BiH.pdf>

Glavne aktivnosti

1. Operacionalizacija strategija i politika koje se odnose na MSP u srednjoročne (trogodišnje), godišnje planove i budžete institucija odgovornih za implementaciju, uključivanjem pristupa BBB kad god je to moguće.
2. Transformisanje strateških prioriteta i mjera u transparentne pozive za podnošenje prijedloga uz pravilno upravljanje fazama prikupljanja, izbora, ugovaranja i praćenja.
3. Podrška implementaciji identifikovanih prioritetnih projekata/aktivnosti u novim oblastima (npr. zelena ekonomija).
4. Razvoj, testiranje i implementacija harmonizovanih instrumenata i sistema za monitoring i izvještavanje o strategijama, politikama i Indeksu politika MSP zasnovanih na stalnom učenju, uključujući pripremu evaluacije.
5. Ažuriranje/revidiranje strategija i srednjoročnih planova uz uvođenje BBB pristupa i novih instrumenata za planiranje (npr. predviđanje korištenjem scenarija).
6. Odabir i usklađivanje politika usmjerenih na inkluzivnost i izgradnju otpornije i održivije ekonomije (planiranje, implementacija, praćenje i priprema za evaluaciju).
7. Olakšavanje javno-privatnog dijaloga i mehanizama horizontalne i vertikalne koordinacije.
8. Olakšavanje koordinacije sa donatorima i usklađivanje strategija i politika MSP sa donatorskim programima i fondovima.
9. Aktivnosti upravljanja projektom.

Ciljne grupe

- Ključna ministarstva/odjeljenja odgovorna za razvoj, implementaciju, monitoring i evaluaciju strategija i politika MSP.
- Ostala srodna ministarstva, obrazovne institucije, instituti, razvojne agencije i organizacije civilnog društva fokusirane na razvoj MSP i preduzetništva.
- Formalne strukture koje promovišu javno-privatni dijalog u vezi sa MSP i preduzetništvom (savjeti za razvoj MSP, ekonomski savjeti...) i poslovna udruženja.
- Izvozno orijentisana i inovativna MSP, žene i mladi preduzetnici.

Krajnji korisnici

- MSP i preduzetnici u zemlji kao krajnji korisnici; nova preduzeća (startapi) i novi investitori; pružaoci poslovnih usluga; zaposleni u MSP u zemlji (posebno mladi i žene).

Vremenski okvir

Januar 2022 - Januar 2025

Izvor finansiranja

Ambasada Švedske u Bosni i Hercegovini.

